

Bibliothèque numérique

medic@

Cadet, Claude-Antoine - candidat /
Bassuel, Pierre - président. - [De
narium polypo]

1752.

*Paris : Typis FR. Delaguette
Chirurgorum Collegii
Typographi*
Cote : ms 2342, n°18



D. O. M.
POSITIONES ANATOMICÆ
ET
CHIRURGICÆ.

EX ANATOMIA.



X C R E S C E N T I A carnis speciem referens ;
haud raro intrâ nasi mæandros gignitur ; naſcens
vultū quasi benigno , crescens ancipi more , ver-
ſus summum extensionis gradum progrediens in-
dole malignâ plerumque donatur : ita ut iſta pri-
mum tractatû difficultis , dein pervicax , tandem
periculum minitans . Heu ! quæ in naribus Polypi
nomine venit a voce græca Πόλυπος , quoquo versum infelicitas !

P R O naturâ affectûs , accidentibus , prognosi , curatione aptè
dignoscendis , rem Anatomicam huic morbo pertinentem , respon-

2

fionibus tamen satis fusè enucleandam, leviter indicando attin-
gēmus.

S I T U S , forma , partes Nasi externi satis innotescunt , id circō
his describendis supersedemus , ad Narium internarum peculiaria
simul & utiliora festinantes.

N A S U S dicitur externus & internus ; hic Narium nomen inter-
dūm recipit : ille cavitatis amplioris tanquam appendix conspic-
itur : attamen patulae Nasi expansi aperturæ , intus vibrissis ins-
tructæ , æquivocâ nec non usui accommodâ denominatione Na-
rium insigniuntur . Quod cùm strictè non ita sit juxta Chirurgos ,
totus externus Nasi apparatus is considerandus , quem ad organi
Πόλυχρον cavitatem internam & præcipuam mali latens sedem
merito referendum dixeris.

S U A sunt Naso externo speciales partes , quædam verò cum
Naribus internis communes : propriæ , tegumenta , musculi dicun-
tur ; communes , membranæ , vasa , nervi , ossa , Cartilagines .

Q U O ad Nares attentius inspecticias , plurima Chirurgo-
rimabundo consideranda veniunt . Primùm cavitas multiformis intus
amplior quam foris spectatur interventu septi dispartita ; superiùs
à laminâ cribrosa descendens , inferiùs à vomere efformati , ante-
riùs triangulari cartilagine absoluti .

U T R A Q U E cavea interjecta ossi cribroso , cœlo palati , ab an-
terioribus Nazi foraminibus transversè retrorsum extensa , termi-
natur ad summas fauces .

L A T E R A L I S superficies narium augetur recessibus spiralibus
ossium turbinatorum , quorum suprema & media pendent ab osse
cribroso , infima & maxima sunt ab his distincta , quæ tamen in-
estate firmatâ haud raro cum vicinis ossibus coalita reperiuntur .

A M P L I O R fit cavitas Narium sinuum ope , qui satis magni-
funt recessus & quasi illarum additamenta : tres numero , fronta-
les scilicet , maxillares & sphenoidales , qui quidem hiant in am-
pliori binâ capacitate communī nasalī antri .

P R A E T E R E A utrinque adsunt non levioris momenti oscula duc-

3

tuum lacrimalium ponè turbinatum os inferius. Quod attinet ad viam ut desinentem , indicante Stenone , ex utraque nare recentis capitis versus palatum , inter anatomicos ambigitur.

T O T A superficies quasi laxata Narium , miris modis cavernarum & compositarum , sicut & sinuum ambitur , tegitur membranā (quæ vulgò Pituitaria) pulposā , molli , vas culosā , porosā , vasorum & nervorum refertissimā.

V E L U M palati , ejus partes , structuram , & quædam vicinia , de quibus nondūm mentionem fecimus , ut totum adimpleatur objectum , minimè omitti , contrà verò diligenter expendi judicatu facile.

D E CŒTERO , Nasum internum non ut organum odoratūs , nec woci & respirationi inservientem ad summum obiter , sed ob materiae pathologicæ molem , tanquam tristè Polypi Theatrum nobis investigare liceat.

E X C H I R U R G I A.

P R A E M I S S A sufficienti explanatione anatomicā partium morbi quoties Tyrannidem experientium , pro ut illius cognitioni & curationi congruit , necessariò ad Pathologica & Præctica deveniendum.

S I Carunculæ in eâ membranâ , quâ internæ nares vestitæ sunt , excrescant , sit Polypus , modò altius circâ os cribrosum , modò demissius circâ alia ossicula ; & inde à pedunculo pendulus , sic continuo auget , ut tunc instar sacci exteriùs ex nare pendeat , vel tunc interius per posticum Nasi aditum , ut in fauibus conspici possit ; & tum tristis sequela , jam pridem obsfactus sensu hebetè reddito , nec non ingratæ loquela sono , brevi urget timor suffocationis,

V I X utilis apud quosdam Autores distinctio , à primo genitu segregundinis , inter sarcoma Nasi & Polypum ; est idem per idem , illud tantum ab hoc duritie quâdam & ampio fundo seu latissimâ radice tumoris differt. Color & soliditas Polyporum , cum dolore vel absque sensu , variè in variis.

S I Polypus , quod non raro , ortus in interiori sinu maxillari ,

4

(a) & se extendendo quasi è claustris eruperit in nares , tūm illūrē in iis formam amplissimā cohærentiæ & carcinomatodes habere falsō dijudicabitur. De cætero frequentius ob substantiam ossium emollitam , diductam , destructam , undē molles partes extrā limites producuntur , facies dimidia extuberans deturpatur ; quod magis ac magis , quæqua sunt sedes Polyporum radicum , si malum in pejus ruit. Præterea lacrimarum Stillicidium sere semper veluti accidens , deformitati jungitur (b).

Ut plurimum inter initia Polypo non nisi unica radix eaque tenuis est , vel crassior magni que venis instructa. (c) Ille interdūm Hydræ similis , cui plurimæ irrepentes è corpore radices caudarum instar sub sunt : interdūm etiam in multiplices ramos veluti enascentia capita prodire nitentia , se dividit.

Numquam Polypus , si solus se offert in utrāque nare nisi propulso cum ruinā lepto ; vel forsan nisi faucibus ob viis replicatā versus anteriora ex crescentiæ quādam extremitate aliena diverticula eluctante.

VITIUM procreans malam hanc labem reperies in membranā pituitariā obstruētā , conjunctim in ejus glandulis , si adfint , ingurgitatione labefactatis ; hæc inde sifsim ex humoribus noxiis augetur crassitie , donec tumor conspicuus prodeundi impatiens . efformetur.

Quæris causas quæ Polypum inducere valeant ? Innumeræ . Sunt internæ & externæ ; abditæ & manifestæ . Ex pravâ Diathesi à sanguine impuro & pituitoso ; vel à quibusdam vitiis gravioribus nempe , venereo , strumofo , cancrofo , scorbutico , internæ causæ oriuntur : contusio fractura Narium , hemorragiæ , avulsio vibrissarum , catharro & corysa diu perseverante , externas inter causas

(a) Vid. Ruisch. Affert exempla Polyporum in antro Higmori seu Maxiliari , delitescentium . Cent. Obs. Anat. 77.

(b) Vidimus multoties sacchum lacrimalem turgidum , & liquorem puncti lacrimalibus exundantem , ob orificium ductus intrā Nares , depresso , Massa tumoris , osse turbinato inferiori : quod ibidem observavit Mag. le Dran . Observations de Chirurgie.. Tom. 1 Obs. 6.

(c) Sæpè saepius magni Polypi latè adhærentes plurimis partibus Narium & vicinis , reperti sunt . Conf. M. de Garangeot. Opérat. de Chirurgie. Tom. 3. Ibid. M. le Dran. Observ. de Chirurg. Tom. 1. Obs. 6 & 7.

3

recensentur. Abditæ & manifertæ internæ ex præcedentibus pa-
tent.

POLYPUM à Polypo discriminant essentia, compositio, figura,
ætas, tempus, soliditas, ac demum accidentia: hinc Dæda-
leum opus, innumeræ profiliunt species, quas recensere vix qui-
dem opera p̄tium sit. Quinque potissimum liquidò explorandæ
observantur, quarum seu Diagnolis, seu Prognosis haud difficili
negotio deducenda.

CUJUSCUMQUE modi sint Polypi ipsorum incrementis
quām maxima celeritate occurendum, quippe qui per vetustatem
ingravescentes, seram nimium opem nequicquām efflagitent.

HAUD dubiè, ab ovo, lenior ad curationem medicamentorum
via; tunc in promū sunt adstringentia & exsiccantia mīros fortita
effectus. Ubi autem improspērè cessura videbuntur, diversam
auspicari est medendi normam.

PRO ætate, sitū, volumine, indole Polypi eradicandi variaz
methodi admittendæ; Abnūs? Velim ut nequid inconsulto prope-
res.

SI intrà recessus opacos labyrinthi Narium intortè adhæreat
Polypus majoris massæ, non adeunda unica Encheiresis; pro va-
riis vel una seorsim feligi, vel plures vicissim institui debent.
Præeunte levi attractione speculatoriâ, scalpello, si necesse, facilior
reddita ligatura iterūm atque iterūm, & sectiones ibidem faciendæ;
sorsitā caustica & escharotica (adhibitis cautelis) admovenda,
postea repetitæ extractiones, mediante forcipe idoneo, peragen-
dæ. Hæc omnia, pervices, in eādem curatione, ut moribus in-
tricatissimus debelletur, præsentanea se præbent. Quid plurima
enumerem?

LIGATURAM Polypi Narium tutiorem curationis viam
libentissimè concedimus; sed pace illorum qui hanc ut perpetuam
commendant, reponamus: hâc arte non est semper ut curetur
ægrotans. Si ad quasdam Polyporum species attendatur, in qui-
bus vix sine torturæ angustiâ admoveretur. Quando admittenda
venit ligatura à quâ curatio promptior, eam propter varia media
ditissimam pronunciamus. (a)

(a) Consul. variis Scriptores Chirurgici; sed illorum intentiones cum an-

QUANDO celebrandæ ligaturæ major suspicatur difficultas, aut cùm diffusa partibus accretio, minoris Polypi, minimè aptam renuit constrictiōnem, ope caustici ab experientissimis Chiriatris longior, sed tuta curatio, plaudentibus ægris, suscipitur. Felices qui possunt rerum Chemicarum cognoscere vires! Illud tamen medium, ligaturæ quæ in promptū venerit, non anteponi semper juvat: considerationes Chirurgicæ quæ ab internis Causticorum incommodis oriuntur, nostræ sententiæ favent.

CHIRURGUS multifaciens ex auxiliis anteà felicissimè adhibitis postea tanquam omnino despectis, nulla providè à se aliena putat. Semper quidam casus avulsionem, juvantibus volsellis, opportune expostulabunt.

SI cùm perspicacitate anatomicâ Polypi extractio prudenter tentetur, profluviū sanguinis, aliter pertimescendum, non superveniet: contrà, si eventū liquor vitalis manat, facilis fluxus breviter compescetur. *

LAUDANDA sanè veterum Chirurgicis in rebus solertia: absit tamen ut iis assentiamur tumorem camenti ferro per fistulam Nari bus inserto, inurendum suadentibus. Crudelem adeò methodum cum Neotericis non improbamus tantum, sed & noxiā quoque judicamus.

NHILO MINÙS in casu difficultiori, extracto ferè in totum Polypo, si ossa carie, spinâ ventosâ defœdata, saltem ut non amplius serpat malum, aut ut radicitus extirpetur, alias recrudescens, reliquiae crudelis contaminationis inuri debent ferro ignito convenienter immiso.

SUA non est omnibus Polypis certa curatio. Carcinomatosi, si exquisiti fuerint atque confirmati, merito immédicabiles ha-

notationibus repères in Opere mox infra citato. Juxta plausum, ligaturam non minimi pretii à Mag. Levret inventam feligi censēmus. Vid. Autoris eximium Opus. *Observations sur la Cure radicale de plusieurs Polypes de la Matrice, de la Gorge & du Nez.*

* Mag. Bellocq, ad Sataceum versus fauces, seu ad fistendam Hemorragiam, seu ad Nares post Polypi extractionem detergendas, injiciendum instrumentum acu formè elasticum funiculo armatum feliciter excogitavit, ut frequenti experientiâ comprobatur. Istud inventum non adhuc euulgavit Reg. Chir. Academ. Conf. le Dran, Obs. 7.

bentur, quod ingenuè confitemur: non tamen promptè infortunio relinquendus est æger, ad ejus miniman desperationem diffīllima tentenda ferè semper veniunt. Tandem, si nulla opere peragendo superfit spes, palliativa duntaxat medela congruit: in eo versatur, ut à Chirurgo debita injungatur victus ratio, idoneaque exhibeantur remedia, dolores, sin minùs sublatura, at certè verò sedatura.

OPERATIONI cuilibet debent ceu antecedere, ceu succedere tenuis diæta, venarum sectiones ac medicamenta morbo competentia,

*Has positiones, DEO JUVANTE, & præside M.
PETRO BASSUEL, Liberalium Artium &
Chirurgiæ Magistro, Regiæ Chirurgorum Academiæ
Consiliario & Commercii extranei Secretario, Therapeutices Chirurgicæ Demonstratore Regio, tueri conabitur CLAUDIO ANTONIUS CADET, Parisinus, in
almâ Parisiensi Artium Facultate Magister.*

P A R I S I S,

IN REGIIS CHIRURGORUM SCHOLIS.

Die 18^a. Augusti, anno Salutis 1752. à sesqui-secundâ
post meridiem ad septimam.

PRO ACTU PUBLICO
ET SOLEMNI COOPTATIONE.

Typis FR. DELAGUETTE Chir. Collegii Typographi.

THE NARIA POLYPO
BY J. C. DODD
LONDON: HARRIS & CO., 1832.
Price, 12s.